

Nettverk av petroleumskommunar (NPK)

Vedtekter

§ 1 Føremål

- (1) Nettverk av Petroleumskommunar (NPK) organiserer kommunar som er vertskap for anlegg for olje og gassverksemd som til dømes transport, lagring, produksjon, foredling og anna tilknytt verksemd. NPK skal arbeide for å fremja medlemskommunane sine interesser av ein kvar karakter, herunder søke å styrke det lokale sjølvstyret i saker om energi- og industriverksemd i kommunane og betre samspelet med omsynet til natur- og miljø og lokal næringsutvikling. NPK skal vera medlemmene sitt talerøyr overfor sentrale styresmakter, dei politiske partia, bransjen og deira organisasjonar.
- (2) Nettverk av Petroleumskommunar (NPK) er partipolitisk nøytral.

§ 2 Medlemskap

- (1) Alle primærkommunar med anlegg for olje og gass kan vera med i NPK. Kommunar som har røyrleidningar frå/til olje- og gassanlegg i sin kommune kan bli tilbudd medlemskap i NPK.
- (2) Kommunar kan takast opp som assosiert medlem for eitt år om gangen. Assosierte medlemmar får tilgang til ordinært medlemskap.
- (3) Medlemskapet gjeld for kalenderåret og etterfylgjande år. Utmelding frå nettverket kan finne stad innan 1/1 kvart år, og vil bli gjort gjeldande frå 1/1 i påfylgjande år. Medlemskommunar som melder seg ut må stå ved sine økonomiske forpliktingar til utmeldingsdato. Medlemskommunar mister sin plass i styret frå den dato utmelding er meldt til styret.

§ 3 Organ

§ 3-1 Årsmøte

- (1) Årsmøtet er organisasjonen sitt øvste organ. Årsmøtet blir avholdt innan 01.05 kvart år. Alle medlemskommunane har rett til å delta, og har 1 stemme. Kommunar med røyrleidningar, jfr. § 2-1, har 1 stemme som representerer alle desse kommunane.
- (2) Innkalling til årsmøte vert sende til medlemskommunane minst 2 veker på førehand.
- (3) Ekstraordinært årsmøte vert halde om styret finn det naudsynt, eller når minst 1/3 av medlemskommunane krev det.

(4) Årsmøtet vel møteleiar og møtesekretær.

(5) Årsmøtet skal:

- handsame årsmelding
- handsame revidert rekneskap for organisasjonens aktivitet.
- vedta budsjett med kontingent
- vedta arbeidsprogram etter tilråding frå styret
- velje styreleiar og nestleiar for 1 år
- velje medlemmer til valgkomiteen, som skal bestå av to medlemmer.
- fastsette leiarhonorar og møtegodtgjersle for styremedlemmer

(6) Vedtak på årsmøtet blir gjort med alminneleg fleirtal. Endringar av vedtekter krev $\frac{3}{4}$ fleirtal. Kvar kommune har ei stemme, men alle delegatar har tale- og forslagsrett.

(7) Medlemmer kan vere representert ved fullmakt frå eigen kommune.

§ 3-2 Styret

(1) Styret består av ein representant frå kvar medlemskommune, derav ein er leiar.

(2) Styreverva vert tileigna ordførar i den einskilde kommunen, og er ikkje personlege. Ved endring av verv i kommunen, trer den nye ordføraren inn i styret.

(3) Styrets leiar og nestleiar blir valde for 1 år.

(4) Sakar for styret blir avgjort med alminneleg fleirtal. Ved likt stemmetal tel leiaren si stemme dobbelt.

(5) Styret kan fatte vedtak når meir enn halvparten av medlemmane er til stades.

§ 3-3 Sekretariat

(1) Sekretariatet blir ivareteke av medlemskommunane. Sekretariatet fylgjer medlemskommunen som til eikvar tid er leiar av styret.

(2) Sekretariatet skal stå for den daglege drifta av NPK og har og ansvaret for innkallinga til årsmøte og styremøter og står for den daglege korrespondansen. Sekretariatet har rett og plikt til å delta på årsmøte og styremøter.

(3) Sekretariatet fører og rekneskap og utarbeider forslag til budsjett, fører medlemsarkiv og saksarkiv, utarbeider utkast til årsmelding og arbeidsprogram. Sekretariatet skal og ha ansvaret for NPK sine nettsider og oppdateringa av det faglege innhaldet på sidene.

(4) Sekretariatet utøver elles dei oppgåvene som årsmøte og styret ber om.

§ 4 Økonomi og budsjett

- (1) Medlemskommunene betaler ein kontingent som fastsettes av årsmøtet. Faktura for medlemskap vert sendt ut etter årsmøtet kvart år.
- (2) NPK si verksemd skal haldast innanfor budsjettet som gjelder det enkelte år.
- (3) Årsmøtet vurderer om det skal etablerast fond for rettssaker – for det tilfelle at NPK opptrer som partshjelper.
- (4) NPK dekker fellesutgifter i samband med samlingar, og elles kostnader til kost og losji for styret. Kvar kommune dekker eigne driftsutgifter knytt til medlemskapen, inkludert eigne reisekostnadar.

§ 5 Oppløysing

- (1) Vedtak om oppløysing av NPK vert gjort med $\frac{3}{4}$ fleirtal av årsmøtet etter godkjenning av kommunane.

